

## Sisiya basudi

### **Apasol (apostle)**

Toudi Yesu ivineyidi bi iviporadi sikanibu bi kana waghawaghae sinabagibagi. Toudi yadi bagibagi ghamana na Yesu warana sinadimeni wawaya biiyadi. Rabobo murine igeghomii magha bi iveramagha Tamananaki biidi, bi **apasol** toudi keresiyana tupana siyibadedi.

### **Babataito (baptise/baptist)**

Raghanina wawaya Yesu yigeruveni na rarime sakiyakutuvi na yana berona God yanoghotataveni bi yana yawa wouna yadaguni. Tomogha wawaya yabababataitodi.

### **Berakayowiiwiyyaka (miracles)**

Yesu berakayowiiwiyyaka ibera da wawaya matapotapotadi iviyawiidi da gubagubagidi, neghanegħadi bi kate mududi sirabobo bi iviyawiidi da siyawa magha.

### **Koughanu**

Nokona Jius damdi yadi nogħota yaveramagħa da metagħha God, kayekikidi ivinaghovedi sikanibu taveyana, meme Ijipt damdi siyiibagħu bagħiredi na ragħanne. Noko ragħanne Jius yadi bare nunudigha na sip natuna sakasunuyi bi yadi bare matamketana kogħorina ganiganinama

[Sisiya basudi Kabepepa bare \(synagogue\)ii](#)[Sisiya basudi Keyama karakarasina \(Hell\)](#)

sakwamiri. Waghawagha “Koughanu” yana basuna na: God yana kasunugha aneyina nokodi baredi ikoughanudi, mekodi ganiganima yadi matamketa koghoridi sikwamiridina. Bi bare mekodi ganigani koghore gegha na, aneya Ijpt damdi natunatudi iiyarokodi da ribiribi natunatudi dagudagune situbugha na ivikasunughana (Exodas 12 kokabiyavi). Nokona koughanu noghota magha, bodu nununagha Jerusalemne saberabera. Bare nununagha sip natuna sinapiikeni God yana bareye bi sinakasunuyi da sinasuwarra. Prist, sip nanaridi sagibu bi ganiganidi suwara gibugibu debane saruwagha. Bi bare nunudigha kadi sip wiiwiikasunughanidi sakawara sanagho yadi bareye, bi ere tupadi sagibu bi Koughanu Noghota magha ravidine sakam.

### **Kabepepa bare (synagogue)**

Na bare tana meme Jews sanagho kamone sakabepepa, bo sakabiwiiborudi sarupari, bo sanagho God sisiyina sagirumeni bi kate sanagho kamone sidughu.

### **Keyama karakarasina (Hell)**

Keyama karakarasina (Hell) na gawara tana meme God aro Seitan inavereni, Seitan yana aneyaneya da wawaya mududi iiyawoghana gegha God rapenena (Mat 25:41, Revelation 20:10-15). Greek yadi gamoma “Hell” na Hinnom anayina yawonewoneni, nokona

Sisiya basudi Kwama ribiribi għunighunidima (sackcloth)iiiSisiya basudi Parawa Gegha Yist T

anagħha kasigawwora Jerusalem ririne  
meko iviyogħo wiiwiitaveyana, meme  
keyama ragħani nonowa yakarakarata.  
Muriye na sisijina ivikuwamira da ivimiiba  
sisiya meko yawonawona da touna aro  
makewaghawagħasina gawarina.

### **Kwama ribiribi għunighunidima (sackcloth)**

Jius na kadi kwama mududi waratetedi, bi  
ragħani mududi na ribiribi ware gout da  
kamel għunighunidima kwama sabera.  
Mmkodi kwamadi damidi sinidae na gegħa  
siyamiisena. Jius yadi kiki tana na meboda  
rakaraka tana inarabobo, na kwama mmkodi  
naboni sikote da nuwapoya matakirina.  
Bi toudi yapukarema tubuyidi satouna bo  
yapukareye samakekira. Mayimayiyina,  
meboda yadi tamumu kiiravine sinuwapoya,  
na ragħani mududi na toudi bada noko  
naboni sinabera.

### **Parawa Gegha Yist Teya**

Na touna nogħota magħha bogae. Raghanina  
Jius yadi wiina da Ijipt siyakuyoveni bi  
geraghani gurina da parawa yist teya  
siyawamira da siyagib, na toudi parawa  
kawadīgħa sikam. Toudi “Koughanu  
Noghota magħha” da “Parawa Gegħa Yist  
Teya Noghota magħha” bodu nununagħha  
Jerusalemne saberabera. Tana inakovi, bi  
muriye na bada tana. Noko kiiravine na  
toudi sibera da nogħota magħha tanagħha.  
Toudi sip Koughanu gabudarina ravidine

sakam. Bi “Parawa Gegha Yist Teya” noghota magha yanagho da gabudara 7 bi yakovi. Noko raghanine na Jius parawa gegha yist teya sakam, mayimayiyina kayekikidi siberana naboni, Ijipt sikuyoveni na raghanine.

## Pentikos

Pentikos na Jius yadi poraghha bi bada sakwatuveni da Taparoro Porayina (Exodus 34:22), mmko yimatakira da kiiwa kana waghawagha bali kabipurana tughurina (Levitikas 23:15 da inagho 21). Mmko wiiyawiitaveyanina na tanawona da Yesu yana gehomiri magha ikovi da inagho gabudara 50 sinakovi bi murine. Jius damdi na Roum yadi wiibadana tupana kamone Jerusalem kwanatune sitaghomidi da mmko wiiyawiitaveyanina kabikuwayina ghamana sakitawiikimni. Raghanina Kanuma Kabikabikuwayina iyowogha apasol biiyadi, na toudi sidagu da “gamo wiibatama” siyisisiya, na mmkodi dam wiibata wawayidi apasol sakowa yapoyaporidi. (Acts 2:5 da inagho 13)

## Perisis (Pharisees)

Perisis na toudi Jius damdi Mosis yana gwara sakivina yapor bi kate gwara mududi peyaridi meme kayekikidi siyakivikivina bo sitore wonewonenina. Toudi sibera da siyibogae kadi boga bi mmko gwarana gegha siyakivikivina yaporina. Toudi na siragata

Sisiya basudi peroveta (prophet) v Sisiya basudi Sinibori (circumcision)

kirakii wawaya ghamadi na Jews damdi mududi siyakabikabikuwayedi.

### **peroveta (prophet)**

Peroveta na awaki God yana wiinana wawaya biiyadi na sisisiyana; naghove waghata mmkodi wawayidi God kiiravine sivisisiya. Wawayina na sawara inisisiyana bi muriye sinatubugha.

### **Prist (priest)**

Toudi Jerusalem kwanatuna kamone, God yana bare kamone siyabagibagi. Yadi bagibagi ghamana na God biidi sasuwarra wawaya kiiravidiye. Mmko suwarina na ribiribi sikasunughana bi God yana bare kamone sagabuna. Dam Livai gwabinama sipiika bi toudi nosidinaki na Aron.

### **Seitan**

Touna takovi da berona kana bada ghamana bo sakwatuveni da devil. Wawayina na wiiyaba kana bada.

### **Sinibori (circumcision)**

Mmko berana na tomogha kusi matana, bekana saboritaveni da God yana wiiwaghlasina maragasina matakirina yana wawaya biiyadi. God, Abraham iwonen da nosinosina mmko berana iniyevevedi da sinabera yadi pepeya tomotomoyidi biiyadi, raghanina sinatubugha bi kadi gabudara 8 sinakovina. Bi yadi bagubagurana kubura wiibatama sigimona na biiyadi sibera bi kate

Sisiya basudi Wiigiugerogerora damdi (Sanhedrin) vi Sisiya basudi Wiisuwona Tomogha (Son of man)

bada wawaya iiyawogha gegha Jius bi yadi wiina da Yawe yana dam kamone siyarughu da toudi Jius wawaya. (Genisis 17:10 da inagho 14 kokita.)

### **Wiigiugerogerora damdi (Sanhedrin)**

Mmko na Jius babada damna meko igeki-rakiina. Prist kiikiwawona touna wi-igiugerogerora gayamina bo wiibadana. Wi-igiugerogerora kamone na wawaya damdi aroba: 1. Prist babadidi 2. Kwanatu babadidi 3. Gwara wiiyeyeveyana damdi, nokona tomotomoyidi tupadi yadi 71 mmko damna kamone. Toudi taparoro beradi bo yawa nuwapoyidi sakabiwirotomani, ware mmko kitakitana naboni, meboda wawaya tana bera yiyeveveyana, na toudi sinanuwagiuren i da memeda wiiyeyeveyana miisena bo berona. Bi raghani mududi na Roum tamudu maragata yaveredi da iiyawogha bera beroberodi gisidi sabera na sinitupawamiwamiredi naboni ware yapiyapi da kerere berabera wawayidi.

### **Wiisuwona Tomogha (Son of man)**

Naghove waghata, peroveta Deniyel mmko waghawaghana, na iiyabo God iyipora da yana wawaya yadi tamumuma iyiawiidi na iviwaghawaghayeni. Yana basuna na mayimayiyina naboni Keriso (KERISO kokita). Yesu mmko waghawaghana ikabi da tounamani ivisisiyena mayeni. Raghanina Yesu tounamani yakwatuvema mayeni da Wiisu-

Sisiya basudi Wiivinevinegha KiiyawoviiSisiya basudi Wiiyawiitaveyana gabudarina (Sabbath)

wona Tomoyina, na yawonawona da wawayina God ivipora, na wasina touna, bi iiyabo God gwabinama maragata ikabi. Touna wawayina wota, bi kate bada God.

### **Wiivinevinegha Kiiwawo/Keriso**

Mmko sisiyina “Keriso” na touna Greek gamodi. Hebrew gamodima noko sisiyina kiiravine na sawona da “Mesaiya.” Bi “Keriso” (bo “Mesaiya”) yana basuna na touna gayamina debane oil siwayi. Noko wawayina iiyabo gayamina debane oil siwayi, na touna wawayina na vinevineyina. Naghove waghata memeda God wawayina tana yavineyi da Jews yadi kiiawo, na toudi noko wawayina gayamina debane oil siwayi, da yimatakira. Buka katamanine God ivisuwona da wawayina tana muriye inipora da yana wawayina iniyawiidi bi God yana wiibadana inapiiken. Na Jews noko wawayina kana waghawagha sikwatuveni “Keriso” basuna touna na God yana wiivinevinegha wawayina.

### **Wiiyawiitaveyana gabudarina (Sabbath)**

Wiiyawiitaveyana gabudarina, na touda gegha tana bagibagina. Name sisiya Buka Katamanine na Satade (Fraide ravidkiye yadaguni da Satade ravidkiye yakovi); giruma gabudarina kana wii 7 na Jews kiiravidiye. Mmkona Jews yadi gabudaraduma, sinabera da God ininuwamiise.

**Buk Baibel long Anuki  
Portions of the Holy Bible in the Anuki language of  
Papua New Guinea  
Buk Baibel long tokples Anuki long Niugini**

copyright © 2010-2016 Wycliffe Bible Translators, Inc.

Language: Anuki

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-06-02

---

PDF generated using Haiola and XeLaTeX on 11 Nov 2022 from source files dated 9 Oct 2020

3c3405c8-4e9b-582a-95e8-4f2128c4872e